



Inatsisartunut ilaasortaq Mala Høy Kúko, Siumut

**Akissuteqaat § 37 naapertorlugu puisit amiinik tunisisarneq pillugu
apeqquteqaataasunut nr. 109-mi.**

20-09-2021
Suliaq normu 2021 -
14621

Asasara Mala Høy Kúko

Qujanaq apeqqutigisannut, Inatsisartut suleriaasianni § 37, imm. 1
naapertorlugu. Apeqqutitit uani ataani akissuteqarfigaakka.

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

- 1. Naalakkersuisut puisit amianik tunitsiviit ukioq 2021-imi 33-niit 38-nut amerliniarisi apeqqummi nr. 2021-083-imi akissutigaarsi, taamaammat nunaqarfinni illoqarfinniluunniit sorlorni amernik tunitsivissat nutaat tallimat pilersaarutaappat?*

Akissut 1:

Naalakkersuisut Kalaallit Nunaata Ammerivianut kiffartuussinermut isumaqatigiissutaat naapertorlugu najugaqarfiit 38-iupput tunitsiveqarfiusut. Kalaallit Nunaata Ammerivia ilisimatitsivoq ajornakusoorsinnaasarteq ininik naleqquttunik sulisussanillu piukkunnartunik tunitsiveqarnermik ingerlatsisuusussanik nassaarniararneq, tamannalu pissutaalluni piffissami matumani sumiiffiit 5-it ammatinneqaratik. Tamatumani pineqarput Qeqertaq, Ikamiut, Ilulissat, Qeqertarsuaq aamma Qaanaaq, kisiannili Kalaallit Nunaata Ammeriviata naatsorsuutigaa Qeqertarsuarmi ukiup naannginnerani ammaasoqarnissaa, soorluttaaq piffissami matumani Ilulissani ininik naleqquttunik isumaqatigiinniuteqartoqartoq.

- 2. Nunatsinni saniatigooralugu pinialuttartunut puisip amiinik tunisisinnaanngortitsinissamik Naalakkersuisut pilersaaruteqarpat?*

Akissut 2:


Naalakkersuisut kiffartuussinermut Kalaallit Nunaata Ammerivianut isumaqatigiissutaani taamaallaat ilaapput piniartunit inuussutissarsiutigalugu piniarnermut allagartalinnit puisip amiinik pisisarneq. Piffissani puisit amiinik

amigaateqarfiusartuni Kalaallit Nunaata Ammeriviata misilittarsimavaa, - kingullernik 2018-imi, - amernik niuernikkut akilersinnaasumik tunngavilinnik tapiissutitaqanngitsumik pisiortortarneq, kisiannili qaammatip ataatsip ingerlanerani taamaallaat ammit 300-ut tunineqarmata, misiliineq taanna unitsinneqarpoq.

Ingerlaavartumik isumaliutersuutigineqartarpoq kiffartuussinermut isumaqatigiissutip siammasinnerulersinneqarsinnaanera, amernik saniatigooralugu piniarluttartunit pisisalernikkut. Tamatumunnga atatillugu assersuutigalugu piumasaqaatigineqarsinnaavoq taamaallaat inuit saniatigooralugu piniarnermut allagartaqartut tunisaqartarsinnaaneri, immaqa piffissani aalajangersimasuni, soorluttaaq ammit suussusii aalajangersimasut killilimmillu amerlassusillit kisimik tunineqartarsinnaassasut, piffissani aalajangersimasuni. Ilutigisaanillu soorunami qularnaarneqassaaq EU-mi inatsisit matumani atuuttuusut eqqortinneqassasut.

Isumaliutigisassat taamaattut 2022-imut kiffartuussinermut isumaqatigiissutissamut atatillugu isumaliutigineqarsinnaapput.

Inussiarnersumik intuulluaqqusillunga


Pele Brøberg